

आकाशवाणी

खास-खास खबरां:-

- प्रधानमंत्री नरेन्द्र मोदी होरें गोथेनवर्ग च अपने स्वीडिश जोड़दार हुंदे कन्नै गल्लबात कीती। भारत ते स्वीडन नै रणनीतिक सांझेदारी दे स्तर उप्पर अपने सरबंधें गी होर निग्गर कीता।
- प्रधानमंत्री मोदी होरें स्वीडिश कम्पनियें गी भारत च अपनी मौजूदगी बधाने लेई साद्दा दिता ऐ।
- कांग्रेस नेता वी.डी. सतीसन होरें अज्ज केरल दे मुखमंत्री पद दी सगंध लैगंन।
- भारतीय मौसम विभाग दा गलाना ऐ जे दक्खन-पच्छम मानसून दे केरल च इस म्हीने दी 26 तरीक गी यानि सामान्य तरीख शा 6 दिन पैहले पुज्जने दी मेद ऐ।
- आई.पी.एल. क्रिकेट च दिल्ली कैपिटल्स ने जंदी रातीं दिल्ली दे अरुणजेटली स्टेडियम च राजस्थान रॉयल्स गी 5 विकेटें कन्नै हराया।

<><><><><><>

PM –Sweden

प्रधानमंत्री नरेन्द्र मोदी होर जंदी रातीं गोथेनवर्ग च स्वीडन दे प्रधानमंत्री Ulf Kristersson हुंदे कन्नै मलाटी कीती। मोदी होरेंगी भारत-स्वीडन सरबंधे च अनमूला योगदान देने ते दूरदर्शी नेतृत्व दे सम्मान च “Royal Order of the Polar Star, Degree Commander Grand Cross” कन्नै सम्मानित कीता गेआ।

प्रतिनिधिमंडल स्तर दी वार्ता दौरान दवै नेताएं भारत-स्वीडन सरबंधें दे सब्भनें पैहलुएं दी समीक्षा कीती। इस दौरान दपक्खी सरबंधें गी रणनीतिक सांझेदारी तगर बधाने उप्पर बी सहमति व्यक्त कीती गई। दवै लीडरें क्षेत्रीय ते वैश्विक मुद्दें उप्पर बी विचार सांझे कीते। उ'नें संयुक्त राष्ट्र ते बहुपक्षीय संगठनें च सुधार दी जरूरता उप्पर बी बल दिता।

<><><><><><>

PM- Swedish

प्रधानमंत्री नरेन्द्र मोदी होंरे Make in India राष्ट्रीय हरित हाईड्रोजन मिशन ते राष्ट्रीय महत्वपूर्ण खनिज मिशन जनेई पैहलकदमियें तैहत स्वीडिश कम्पनियें गी भारत च अपनी मौजूदगी गी बधाने लेई साद्दा दिता ऐ। गोथेनवर्ग च चौनमीं स्वीडिश CEOएं कन्ने होई दी गल्लबात दौरान मोदी होंरे स्वीडिश कम्पनियें गी विनिर्माण-हरित-हाईड्रोजन मिशन- स्वच्छ ऊर्जा ते होर दूए क्षेत्रें च भारत च अपने मौजूदगा बधाने दा आग्रह कीता। चर्चा च लचीली आपूर्ति श्रृंखला-हरित परिवर्तन- टिकाऊ गतिशीलता-जीवन विज्ञान ते डिजीटल टैक्नोलजी च आपसी सहयोग गी मजबूत करने उप्पर जोर दिता गेआ।

<><><><><><>

PM-Norway

प्रधानमंत्री नरेन्द्र मोदी हुंदा पंजे मुखें दी यात्रा दे चौथे गेइ च अज्ज नार्वे जाने दा बी कार्यक्रम ऐ। प्रधानमंत्री मोदी हुंदी नार्वे दी एह पैहली यात्रा होग। पिच्छले 43 बरे च नार्वे दी यात्रा करने आहले ओह पैहले प्रधानमंत्री होडन।

यात्रा दौरान मोदी होर त्रीये भारत Nordic शिखर सम्मेलन ते दपक्खी बैठकें च हिस्सा लैडन। मोदी होर नार्वे दे सम्राट हेराल्ड पंचम ते महारानी Sonja हुंदे कन्नै बी मलाटी करडन। एहदे इलावा एह नार्वे दे प्रधानमंत्री Jonas Gahr Store हुंदे कन्नै बी दपक्खी गल्लबात करडन। मोदी होर भारत- Nordic सरबंधें च होई दी प्रगति दी समीक्षा बी कीती जाहग ते आपसी सरबंधें गी निग्गर बनाने बारे बी चर्चा कीती जाहग।

<><><><><><>

Nadda Switzerland

केंद्रीय सेहत ते परोआर कल्याण मंत्री जगत प्रकाश नड्डा होर 79मी विश्व सेहत सभा च हिस्सै लैने आस्तै स्विट्जरलैंड पुज्जी गे न। छह दिन दा एह सम्मेलन अज्ज जिनेवा च शुरू होग। श्री नड्डा होरें आक्खेआ इस बरे दा विषे - “वैश्विक स्वास्थ्य गी नमां आकार देना: इक सांझा जिम्मेवारी”- वैश्विक सेहत चुनौतियें कन्नै निबड़ने च सामूहिक कार्रवाई दे महत्व दा उल्लेख करदा ऐ।

<><><><><><>

India -UAE Attack

भारत नै संयुक्त अरब अमीरात दे बरकाह परमाणु संयंत्र पर होए दे हमले पर डुंगी चिंता व्यक्त कीती ऐ। विदेश मंत्रालय नै आक्खेआ ऐ जे इस चाल्ली दी कार्रवाई नां मंजूर ऐ। भारत नै संयम बरतने ते गल्लबात ते कूटनीति दे राएं तनाव गी घट्ट करने दा आहवान कीता ऐ।

<><><><><><>

Kerala -CM Swearing In

कांग्रेस नेता वी.डी सतीसन अज्ज केरल दे मुखमन्त्री दे तौर पर संगंध लैडन। मुखमन्त्री औहदे लेई नामित सतीसन होर अज्ज होने आहले शपथ ग्रहण समारोह थवा पैहले कल 21 सदस्यीय यू.डी.एफ मंत्रिमंडल दी घोषणा कीती। अज्ज संगंध लैने आहले 21 मंत्रियें चा सतीशन सने 14 पैहली बारी मंत्री बना र दे न। राज्यपाल राजेंद्र अर्लेकर होरें गी मंत्रियें दी सूची सौंपने मगरा मंत्रिमंडल दी घोषणा करदे होई सतीसन न होरें आक्खेआ जे यू.डी.एफ मंत्रिमंडल दे सारे सदस्य किट्ठे संगंध लैडन। कांग्रेस गी मुखमन्त्री दे औहदे दे अलावा 11 मंत्री पद थहोए न । सतीसन होरें एह बी घोषणा कीती जे तिरुवनचूर राधाकृष्णन अध्यक्ष ते शनिमोल उस्मान उपाध्यक्ष होंडन।

<><><><><><>

Trump

राश्ट्रपति डोनाल्ड ट्रम्प हुंदे आसेआ तेहरान गी नमीं चेतावनी जारी करने मगरा अमरीका ते ईरान दे बश्कार तनाs इक बारी परतियें बधी गोआ ऐ। पच्छम च म्हीने शा जारी अशांती मगरा Uranium भंडार प्रतिबंधें च राहत ते युद्ध कन्नै सरबंधत नुक्सान दे मुआवजे गी लेइयें बातचीत ठप पेई दी ऐ। ट्रम्प होरें सोशल मीडिया उप्पर इक पोस्ट च गलाया जे समें घट्ट हुंदा जा'रदा ऐ ते तेहरान कन्नै समझौते दी दिशा च तेजी कन्नै अग्गे बधने दा उ'नें आग्रह कीता। अमरीकी राश्ट्रपति हुंदी तीखी टिप्पणी ईरानी मीडिया आसेया वाशिगंटन कन्नै गल्लबात परतियें शुरु करने दी मुख शर्ते दा खुलासा करने दे किश गै घंटे मगरा आई ऐ।

ईरानी रिपोर्ट मुजब अमरीका चाहंदा ऐ जे ईरान 400 किलोग्राम समृद्ध Uranium अमरीका गी सौंपी दे ते छड़े इक परमाणु संयंत्र गी सक्रिय रक्खे। अमरीका युद्ध मुआवजे दी मंग गी बी छोड़ना चाहंदा ऐ। खबरें मुजब वाशिंगटन चाहंदा ऐ जे क्षेत्रीय संघर्ष अंदू गै खत्म होग जंदू गल्लबात पूरी होग। इस दौरान ईरान नै इन्ने शर्तें गी खारिज करी दिता ते गल्लबात परतियै शुरु करने लेई अपनी शर्तां रक्खियां न।

<><><><><><>

NEET Paper Leak

NEET मतेहान दे पेपर लीक मामले दी जांच हून महाराष्ट्र दे लातूर शां Nanded तगर फैली गई ऐ। इक अभिवाभक उप्पर अपनी धीस लेई लीक होए दे पेपर गी 5 लकख रुपये च खरीदने दा आरोप ऐ। सी.बी.आई दी इक टीम नै कल उस व्यक्ति कन्नै पुच्छ-गिच्छ कीती ते अग्गे दी जांच लेई उसी कल एजेंसी दे पुणे दफ्तर च पेश होने लेई तलब कीता। इस दौरान इस्सै मामले च दिल्ली दे Rouse Avenue Court नै पुणे दी आरोपी मनीषा मंधारे गी 14 दिने दी सी.बी.आई हिरासत च भेजी दिता ऐ। एजेंसी मुजब मंधारे NEET Biology मतेहान दे पेपर लीक मामले च मुख्य साजिशकर्ता ही।

<><><><><><>

Moungri Mela

समूलचे मुल्लखे च पिच्छले किश अरसे थमां मकामी कलाएं संस्कृतिएं- पारम्परिक जीवन शैली मेले- तीज-ध्यारें गी बढ़ावा देइयै राष्ट्रीय स्तरै पर उनें गी पंछान दिती जा'रदी ऐ।

भारत च साल भर यात्राएं ते मेलें दा सिलसिला चलदा रौहन्दा ऐ- जित्थे उस इलाके दी खूबसूरती परम्पराएं- समाजी जीवन ते संस्कृतिएं दा छलैपा दिक्खेआ जाई सकदा ऐ। जम्मू-कश्मीर च बी ऐसे केंई मेले जां यात्राएं दा आयोजन होन्दा ऐ- जित्थे इत्थू दे समाजी जीवन दा अक्स साफ दिक्खने गी लब्धा ऐ। उधमपुर जिले दी मोंगरी तैहसील हेठ पोंदे सार दब्बड़ इलाके च आयोजित त्रै-रोजा सलाना शिव-पार्वती मोंगरी मेला कल सम्पन्न होई गेआ। मेले दौरान कोई 60 जहार कोला मते शरदालुएं मेले च शिरकत कीती जित्थे डुग्गर प्रांत दी संस्कृति ते रिवायती बिरसे दा इक शानदार छलैपा दिक्खने गी लब्बा। सूचना विभाग ते मकामी कलाकारें आसेआ शानदार रंगारंग सांस्कृतिक कार्यक्रम बी इस मौके पेश कीते गे जिनें उत्थे मजूद लोकें दा मन परचाई लैता। जिला प्रशासन आसेया मेले गी पूरी चाल्ली सुरक्षत रमानदार ते बवस्था आहले ढग्गै सिर तोढ़ चाढ़ने लेई लोड़चदे सब्बै बंदोबस्त कीते गेदे हे।

<><><><><><>

Weather

भारती मौसम विभाग नै गलाया ऐ जे दक्खन पच्छमी मानसून केरल च इस महीने दी 26 गी पुज्जने दी मेद ऐ जेड़ा जे 1 जून शा 6 दिन पैहले गै पुज्जा रदा ऐ। अगले दो-त्रै दिनें च दक्खन पच्छम मानसून दे दक्खन पूर्वी अरब सागर-बंगाल दी खाड़ी- अंडमान द्वीप समूह ते अंडमान सागर दे मते हिस्सें च अग्गे बधने दी मेद ऐ।

<><><><><><>

IPL

आई.पी.एल क्रिकेट च, दिल्ली कैपिटल्स नै राजस्थान रॉयल्स गी 5 विकेट कन्नै हराईए प्ले ऑफ च पुज्जने दी अपनी में दे गी बरकरार रखेआ ऐ। दिल्ली दे अरुण जेटली स्टेडियम च एह मैच खेडेआ गोआ। धर्मशाला च खेडे गेदे इक होर मैच च रॉयल चैलेंजर्स बेंगलुरु, पंजाब किंग्स गी 23 रन कन्नै हराईए प्लेऑफ आस्तै क्वालीफाई करने आहली पैहली टीम बनी गई ऐ। प्रतियोगिता च अज्ज चेन्नई सुपर किंग्स दा सामना सनराइजर्स हैदराबाद कन्नै होगा। एह मैच चेन्नई च शामी साइडे सत बजे था खेडेआ जाग।

<><><><><><>

PM-MKB

प्रधानमंत्री नरेन्द्र मोदी होर इस म्हीने दी 31 तरीक गी आकाशवाणी थमां 'मन की बात' कार्यक्रम च इक्क बारी परतियै अपने बचार सांझे करडन। एह इस मासिक रेडियो कार्यक्रम दी 134मीं कड़ी होग। श्रोता टोल-फ्री नंबर 1800-11-7800 पर कार्यक्रम आस्तै अपने बचार ते सुझाs भेजी सकदे न। एह सुझा नरेन्द्र मोदी ऐप या मायगाँव ओपन फोरम राएं बी दिते जाई सकदे न। तुस 1922 पर मिस्ड कॉल देइयै ते एस.एम.एस. थमां हासल लिंक थमां बी सिद्धे प्रधानमंत्री होरें'गी सुझा भेजी सकदे न। सुझा 29 तरीक तगर स्वीकार कीते जाडन।

<><><><><><>